



ЯКЯФИСТЫ

ЧИТАЕМЫЕ
В БОЛЕЗНИ
И СКОРБИ

Сборник Акафисты читаемые в болезни и скорби

Текст предоставлен правообладателем

http://www.litres.ru/pages/biblio_book/?art=33319534

Акафисты, читаемые в болезни и скорби: Московское Подворье Свято-Троицкой Сергиевой Лавры; Москва; 2001

ISBN 5-7789-0119-4

Аннотация

«Если приходит скорбь – надо больше молиться», – наставлял известный аскет и подвижник, святитель Игнатий (Брянчанинов). Ведь молитва – это самое верное средство к врачеванию всех болезней как душевных, так и телесных. Поэтому у православных христиан с древнейших времен принято обращаться с молитвой не только к Богу – Творцу и Устроителю всей нашей жизни, но и к Божией Матери и святым угодникам Божиим. Святым целителям мы молимся потому, что многие из них за свое твердое исповедание веры Христовой еще в земной жизни сподобились у Господа дара врачевания страждущих, а по своем отшествии в небесные обители стяжали и особую благодать у Бога быть заступниками и ходатаями пред Ним об оставлении всех наших согрешений, вольных или невольных, и избавлении от всех скорбей и болезней. Акафисты, читаемые в болезни и скорби

Матери Божией мы молимся потому, что Она ближе всех к Богу и вместе с тем близка также и к нам. Ради Ее материнской любви и Ее молитв Господь дарует нам прощение, утешает и укрепляет нас в вере, о чем свидетельствуют явленные нам, страждущим, иконы Божией Матери, от которых происходят чудеса и исцеления. Только молиться надо с верою, помня слова Господа: Просите, и дано будет вам (Мф. 7, 7). А если молясь и не получаем тотчас просимого, то само пребывание в молитве для человека есть благо и счастье, ибо, постоянно беседа с Божией Матерью и святыми угодниками Божиими, мы приобретаем себе заступников и молитвенников на небесах.

Содержание

От издателей	6
Акафист Пресвятей Владычице нашей Богородице в честь иконы Ея, именуемой «Всех скорбящих Радость»	8
Акафист Пресвятей Владычице нашей Богородице в честь иконы Ея, именуемой «Казанской»	27
Конец ознакомительного фрагмента.	33

Афисты читаемые в болезни и скорби



По благословению Святейшего Патриарха Московского и
всех Руси Алексия II

ИЗДАТЕЛЬСТВО
МОСКОВСКОГО ПОДВОРЬЯ
СВЯТО-ТРОИЦКОЙ СЕРГИЕВОЙ ЛАВРЫ



От издателей



«Если приходит скорбь – надо больше молиться», – наставлял известный аскет и подвижник, святитель Игнатий (Брянчанинов). Ведь молитва – это самое верное средство к врачеванию всех болезней как душевных, так и телесных. Поэтому у православных христиан с древнейших времен принято обращаться с молитвой не только к Богу – Творцу и Устроителю всей нашей жизни, но и к Божией Матери и святым угодникам Божиим.

Святым целителям мы молимся потому, что многие из них за свое твердое исповедание веры Христовой еще в земной жизни сподобились у Господа дара врачевания страждущих, а по своем отшествии в небесные обители стяжали и особую благодать у Бога быть заступниками и ходатаями пред Ним об оставлении всех наших согрешений, вольных или невольных, и избавлении от всех скорбей и болезней.

Акафисты, читаемые в болезни и скорби Матери Божией мы молимся потому, что Она ближе всех к Богу и вместе с

тем близка также и к нам. Ради Ее материнской любви и Ее молитв Господь дарует нам прощение, утешает и укрепляет нас в вере, о чем свидетельствуют явленные нам, страждущим, иконы Божией Матери, от которых происходят чудеса и исцеления.

Только молиться надо с верою, помня слова Господа: Просите, и дано будет вам (Мф. 7, 7). А если молясь и не получаем тотчас просимого, то само пребывание в молитве для человека есть благо и счастье, ибо, постоянно беседуя с Божией Матерью и святыми угодниками Божиими, мы приобретаем себе заступников и молитвенников на небесах.



**Акафист Пресвятей Владычице
нашей Богородице в честь
иконы Ея, именуемой
«Всех скорбящих Радость»
Во всякой скорби и болезни**



Конда́к 1

Взбра́нней Воево́де победи́тельная, я́ко изба́вльшеся от вечныя смерти благода́тию от Тебе ро́ждшагося Христа́ Бо́га нашего и Твоим ма́терним пред Ним ходáтайством, благода́рственная воспису́ем Ти, раба́ Твои: я́ко иму́щая держа́ву непобедимую, от всяких нас бед и скорбных обстоя́ний свободи́, зову́щих: ра́дуйся, Благода́тная Богоро́дице Де́во, всех скорбя́щих Ра́досте.

Икос 1

Ангел предста́тель по́слан бысть с небесе́ рещи́ Богородице: радуйся, возвещая Божественным воплощением Христовым хотящую родитися от Нея́ Радость всему миру, в скорби погиба́юще. Темже и мы, грехми́ обременёнными, надежду спасения в Тебе улу́чивше, умильно зываем Ти:

Радуйся, Божие ко грешным благоволе́ние; радуйся, кающихся пред Го́сподом Богом крепкое заступле́ние.

Радуйся, падшаго Адама воззвание; радуйся, слез Евиных избавле́ние.

Радуйся, греховную отъёмлющая скверну; радуйся, ба́не, омывающая совесть.

Радуйся, рождшая Изба́вителя, беззакония наша ту́не очищающего; радуйся, всечудное всех к Богу примирение.

Радуйся, мо́сте, воистину преводя́й нас от смерти к животно́му; радуйся, мир от потопа греховнаго спа́сшая.

Радуйся, ле́стнице небесная, ё́уже Госпо́дь к нам сни́де; радуйся, вина́ всех обоже́ния.

Ра́дуйся, Благода́тная Богоро́дице Де́во, всех скорбя́щих Ра́досте.

Кондак 2

Видяще токи чудес, изливаемые от святыя Твоея иконы, благая Богородительнице, яко Ты еси молящихся благая помощница, обидимых заступница, ненадеющихся надежда, печальных утешение, алчущих кормительница, нагих одеяние, девственных целомудрие, странных наставница, труждающихся помощь, слепых прозрение, глухих благослышание, больных исцеление, благодарственне вопием о Тебе Богу: Аллилуиа.

Икос 2

Разум недоразумённый находящих на ны лютых скорбей разумети ища, к Тебе прибегаем, о Мати и Дево, утешения требуя. Ты же, яко благая, научи ны разумети в них благого Сына Твоего милосердное промышление во спасение душ наших и очищение многих согрешений, да взываем Ти радостно:

Радуйся, обуреваемых тихое пристанище; радуйся, сумнящихся известное утверждение.

Радуйся, едина Мати милосердия; радуйся, скорая помощнице сущим в бедях и напастех.

Радуйся, скорбьми грехи наша очищающая; радуйся, пе-

чалию наша немощи душевныя врачующая.

Радуйся, суетныя радости мира сего презирати нас научающая; радуйся, от мира к премирным ум наш возводящая.

Радуйся, от любве земныя к небесней Божией любви нас привлекающая; радуйся, в самых страданиях наших утешение и благодатную жизнь нам подающая.

Радуйся, обетование благ вечных; радуйся, ходатаице вечныя радости.

Радуйся, Благодатная Богородице Дево, всех скорбящих Радосте.

Кондак 3

Силою свыше укрепі мя, благая Владычице, недугующа телом и душею, и посещения Твоего сподоби и промышленности, мрак уныния и скорби, облегающий мя, отгоняя, да спасаемый Тобою, непрестанно вопию Богу: Аллилуиа.

Икос 3

Имуще богатство милосердия неизреченное, всем скорбящим руку помощи простираеши, недуги врачующи, страсти исцеляющи. Не презри и мене, благая Владычице, на одре немощи моея низлежаща и вопиюща Ти:

Радуйся, милости сокровище многоценное; радуйся, от-

чаянных едина надеждо.

Радуйся, тела моего врачевание; радуйся, души моея спасение.

Радуйся, твердая крепосте немощных; радуйся, изнемогающих заступнице и укреплению.

Радуйся, гнев Божий Твоим молением скоро утоляющая; радуйся, страсти наша силою молитв Твоих укрощающая.

Радуйся, слепых зрение, глухих слышание; радуйся, хромым хождение, немых глаголение.

Радуйся, болящих благонадежное посещение; радуйся, яко Тобою по мере веры подаются благодатная исцеления всем немощствующим.

Радуйся, Благодатная Богородице Дево, всех скорбящих Радосте.

Кондак 4

Буря многих бед и напастей обдержит мя, и волнения не ктому терплю: Ты же, яко милостивая Мати Спаса моего и Бога, воздвигни рuce к Сыну Твоему молящи Его, да призрит на лютую скорбь сердца моего и воздвигнет мя из пучины отчаяния, вопиющего Ему: Аллилуиа.

Икос 4

Слы́шаши, Пресвятая Дево и Мати, Симеона праведнаго прорече́ние: Тебе же Самой ду́шу про́йдет оружие, слагала еси́ в се́рдце Твоем вся глаголы сия́, разумеваючи, я́ко радость ма́терняго се́рдца о ча́дех многих печалей в мире сем бывает прича́стна. Темже, я́ко искуше́нной по всяческим и спострада́ти ма́терней ско́рби могу́щей, взываем Ти:

Радуйся, радость миру Христа Спасителя рождающая; радуйся, мир от скорбей избавляющая.

Радуйся, хуления и клеветы на Сына Твоего терпевшая; радуйся, страданием Его спострадавшая.

Радуйся, скорбных матерей утешение; радуйся, чад их благодатное охранение.

Радуйся, в бедях скорое нам заступление; радуйся, заблуждших исправление.

Радуйся, младенцев питание; радуйся, юных наставление.

Радуйся, Мати сиротствующих; радуйся, вдов заступление.

Радуйся, Благодатная Богородице Дево, всех скорбящих Радосте.

Кондак 5

Боготóчную Кровь Сына Твоего, на Кресте за спасение наше изливаемую, зрящи, яко Раба Господня, смиренно воли Отца, Иже на небесѣх, повинующаяся, нам образ злострадания и терпения явила еси, да и мы, в пещи́ искушѣний и бед сущии, вопием смиренно Богу: Аллилу́иа.

Икос 5

Видя Тя, Сын Твой и Бог, при Крестѣ стоящую с возлюбленным учеником и сѣрдцем Ему сраспинающуюся, глаголаше: Жéно, се, сын Твой, и ученику: се, Мати́ твоя, всыновляя Тебе вся верующия в Него. Мы же, яко общницы скорби и страданий Сына Твоего, имееще в Тебе благую Матерь, на Тя все упование в скорби возлагающе, вопием Ти:

Радуйся, Мати́ рода христианскаго; радуйся, усыновившая нас при Крестѣ Сына Твоего.

Радуйся, Бóга с человеки соединившая; радуйся, верных Гóсподеви сочетавшая.

Радуйся, Агнице, рóждшая Агнца, взѣмшаго грехи́ мира; радуйся, чáше, чѣрплющая нам радость от Источника безсмертия.

Радуйся, спорúчнице спасения грешных; радуйся, взыска-

ние погибших.

Радуйся, нечаянная грѣшных радости; радуйся, падших востание.

Радуйся, целительнице всех немощей; радуйся, утление всякия печали.

Радуйся, Благодатная Богородице Дево, всех скорбящих Радосте.

Кондак 6

Проповѣдуют милости Твоя, Богомати, вси концы вселѣнныя, ибо честным покровом Твоим покрываеши весь род христианский, о немже непрестанно молишися Христу Спасителю нашему и избавляеши от всех бед благонравныя и богобоящияся рабы, верно вопиющия Богу: Аллилу́иа.

Икос 6

Возсия благодать светозарная от пречудныя иконы Твоея, Богомати, пред неюже со слезами припадающе, молим Ти ся: отжени облак нашедших на ны искушений, да вопием Ти радостно:

Радуйся, приносящая к Сыну Твоему и Богу моления верных; радуйся, и Самá у Престола Сына Твоего непрестанно молящаяся о нас.

Радуйся, предстательнице к Богу, мир от бед спасающая; радуйся, заступнице рѣда христіанскаго, от Бога нам дарованная.

Радуйся, древо благосенноліственное, имже покрываются мнози; радуйся, древо светлоплодовѣтое, имже питаются вернии.

Радуйся, покрѣве миру, ширший облака; радуйся, землѣ обетованія, из неяже течет мед и млекѣ.

Радуйся, светлый облаче, верныя непрестанно освещающий; радуйся, столпе огненный, наставляяй избранныя к небесному наследию.

Радуйся, нѣво, растящая обилие щедрот; радуйся, подавательнице всякия благодости.

Радуйся, Благодатная Богородице Дево, всех скорбящих Радосте.

Кондак 7

Хотящи явити тѣки чудес от Своея иконы, Всех скорбящих Радости, повелела еси, Владычице, болящей Евфимии молебная пения пред тою совершати, и получивши исцеление всем проповѣдати милости, ради тоя иконы явленныя, да не сокрыт будет источник благодатных изцелений всем требующим. Тѣмже и мы не тайм Твоих благодѣяний, но благодарственне прославляюще Бога, вопием Ему: Аллилуія

Икос 7

Новая купель Силоáмская пáче óняя древняя явiся, Пре-
чистая Владычице, храм Твой, в нéмже покланяемся чудо-
творней иконе Твоей: iбо не единою в лето и тóкмо пёрвее
входящим здравие тéла подаеши, но всегда всякий недúг и
всякую язву душевную и телесную врачúеши с верою и лю-
бовию к Тебе прибегающих. Сего ради вопием Ти:

Радуйся, купéль, в нéйже вся скóрби наша погружаются;
радуйся, чáше, ёюже радость и спасение восприемлем.

Радуйся, кáменю, напоивший жаждущия жизни; радуйся,
дрéво, улаждающее слáнья вóды житейскаго мóря.

Радуйся, животворныя воды неистощимый источниче; ра-
дуйся, бáне, омывающая греховную скверну.

Радуйся, скорбéй наших улаждéние; радуйся, печалей
наших утоление.

Радуйся, болезней наших врачевание; радуйся, бед избав-
ление.

Радуйся, дéмонов попрание; радуйся, врагóв посрамле-
ние.

Радуйся, Благодатная Богородице Дево, всех скорбящих
Радосте.

Кондак 8

Странники и пришельцы вси есмь на земли сей, по глаголу апостолу: беды от врагов, беды от сродник, беды от лжебратии терпяще в лишениях многих и скорбех. Ты же, Владычице, яко благая Одигитрие, настави нас к тихому пристанищу, и моли Сына Твоего прощению прегрешений нам прежде конца дароватися, да непрестанно вопием Богу: Аллилуиа.

Икос 5

Все житие наше на земли болезненно и печали исполнено от клеветы, досаждения, укорения и иных многовидных бед и напастей: немощствует бо тело, изнемогает и дух наш. К Тебе убо прибегаем, Богомати, пред пречистою иконою Твоею припадающе, исполни радости и веселия скорбная сердца наша, да вопием Ти:

Радуйся, путеводительнице, к небесному отечеству нас руководящая; радуйся, Царице неба и земли, врата райская нам отверзающая.

Радуйся, милостивая, нас милующая; радуйся, домостроительнице, житие наше добре устрояющая.

Радуйся, руну орошенное, еже Гедеон предвиде; радуйся,

блаженное чрево, невместимаго всеми Бога вместившее.

Радуйся, купино́ неопали́мая; радуйся, неруши́мая стено́.

Радуйся, живоносный источниче; радуйся, цвете неувяда-
емый.

Радуйся, умягче́ние злых серде́ц; радуйся умиле́ние бла-
гих.

Радуйся, Благодатная Богородице Дево, всех скорбящих
Радосте.

Кондак 9

Всякая житейская в мире сем сладость печали бывает
прича́сна: слава не стои́т, богатство мимотече́т, ле́пота и
здравие увядают, дру́зи и и́скреннии смертию отъе́млются.
Услади́ убо наша ско́рби, благи́х вино́вная, Твою нетленную
даючи радость нам вопиющим Богу: Аллилу́иа.

Икос 9

Ветия́ многовещанная недоуме́ют, кийми словесы́ скор-
бя́щая утеша́ти, но Сама, Владычице, возглаго́ли сердца́м
нашим утеше́ние, благодати Твоея́ лучами о́блак ско́рби
на́шея и мрак уныния разгоняющи, да взываем Ти:

Радуйся, обрадовавшая наде́янием на Тя всех христиан;
радуйся, радости и умире́ние миру.

Радуйся, подательнице Божественныя благодати; радуйся, надеждо благ вечных.

Радуйся, кораблю хотящих спастися; радуйся, пристанище житейских плаваний.

Радуйся, верная хранительнице уповающих на Тя по Бóзе, радуйся, одеждо нагих дерзновения.

Радуйся, хранительнице всех и утверждение; радуйся, всех верных ограждение и священное прибежище.

Радуйся, помощи верно молящихся Тебе; радуйся, светлое благодати познание.

Радуйся, Благодатная Богородице Дево, всех скорбящих Радосте.

Кондак 10

Спасти хотяй род человеческий от вечныя мýки и непрестающия скорби, Человеколюбец Господь в приснодévственную утробу Твою вселися и Тебе, Матерь Свою, дарова погибающим в помощь, покров и защищéние, да будеши печальным утешéние, скорбящим радование, отчаянным надежда, вечныя муки Своим ходáтайством избавляющая и к небесному веселию приводящая всех, верно вопиющих Сыну Твоему и Богу нашему: Аллилуиа.

Икос 10

Стенá еси дéвам, Богородице Дево, и всем к Твоему пок-
рóву прибегающим. Темже мóлим Тя: заступí, покрый и со-
блюди всех сíрых и безпóмощных от искушений, озлобле-
ний и бед, Тебе с любовью взывающих:

Радуйся, стóлпе дéвства; радуйся, чистоты и целомудрия
сосóуде избранный.

Радуйся, вóинствующим на плоть целомúдрием изрядное
венчáние; радуйся, во íночестве благоскорбýщим податель-
нице вечнаго радования.

Радуйся, пламень страстéй изменяющая; радуйся, мрак
искушений прогоняющая.

Радуйся, наставнице целомудрия; радуйся, чистоты
ограждение.

Радуйся, исправление челове́ков; радуйся, Еюже от паде-
ния востáхом.

Радуйся, твердое веры утверждение; радуйся, приятное
молитвы кади́ло.

Радуйся, Благодатная Богородице Дево, всех скорбющих
Радосте.

Кондак 11

Пение всеумилённое приносим Ти, раби Твои, Богородице, яко всесильней заступнице рода нашего: утоли болезни многовоздыхающия души мояя, укроти гнев Божий, праведно на ны движимый грех ради наших, избави нас от всякия лю́бтыя скорби и болезни, вопиющих о Тебе Богу: Аллилу́иа.

Икос 11

Светопріёмная свещá, углем благодати Божия возжжённая, явися нам пречестная икона Твоя, Владычице, на освящение наше и утешение. Мы же, любовью чтуще ю и с верою припадающе к ней, вопием Ти:

Радуйся, сильным Твоим заступлением от всех бед нас избавляющая; радуйся, от труса и потопá нас защищающая.

Радуйся, от глада душевнаго и телеснаго нас снабдевающая; радуйся, огонь рососоу молитв Твоих угашающая.

Радуйся, от смертнаго губительства нас спасающая; радуйся, в бранех крепкая помощнице.

Радуйся, от нашествия иноплемённых нас ограждающая; радуйся, от междоусобных брани охраняющая.

Радуйся, плавающих легкое по водам прехождение; радуйся, путешествующих добрая водительнице.

Радуйся, пленных свободение; радуйся, от надлежащаго праведнаго прещенія Божия скорое избавление.

Радуйся, Благодатная Богородице Дево, всех скорбящих Радосте.

Кондак 12

Благодати залог восхотевши дати роду нашему, цельбоносную икону Твою явила еси нам, Богомати, от неяже токи чудес с верою приходящим источаются, недужи врачуются и скорби утоляются. Сего ради радостно о Тебе вопием Богу: Аллилуиа.

Икос 12

Поюще Твоя милости и чудеса, Богородительнице, хвалим Тя вси, яко твердую предстательницу нашу, и со умилением поклоняемся Тебе, молящейся о нас, и просим: воздвигни рuce к Сыну Твоему, да всегда в сей жизни и по смерти нашей милосердие Его неотступно будет от нас, взывающих Ти:

Радуйся, непостыдное наше упование в животe и по преставлении нашем; радуйся, уповающим на Тя мирен конец жития сего подающая.

Радуйся, в день судный наша надеждо и защищение; ра-

дуйся, Судий праведнаго умоление.

Радуйся, геэнны вечныя избавление; радуйся, надеждо вечнаго спасения.

Радуйся, ключу Царствия Христова; радуйся, двере райская.

Радуйся, мосте, к небесем приводяй; радуйся, всех кающихся грешников прибежище и благая заступнице.

Радуйся, Ангелов радости; радуйся, всех праведных славо и утешение.

Радуйся, Благодатная Богородице Дево, всех скорбящих Радосте.

Кондак 13

О Всепетая Богообрадованная Мати, рождающая на радость небу и земли Царя Христа, Бога нашего! Услыши глас скорбящих раб Твоих, и приими сие малое моление наше, избави нас от всяких бед, скорбей и напастей; недуги наша исцели, напрасныя клеветы потреби, всяку злобу и вражду отжени от нас, и будущия изми муки о Тебе вопиющих: Аллилуиа.

Этот кондак читается трижды, затем 1-й икос «Ангел представитель...» и 1-й кондак «Взбранней Воеводе...»

Молитва

О Пресвятая Владычице и Богородице, высшая Херувим и честнейшая Серафим, Богоизбранная Отроковице, всех скорбящих Радосте! Подáждь утешéние и нам, в скорби сущим: рáзве бо Тебе иного прибежища и пóмощи не ймамы. Ты едiна еси радости наша ходáтаица, и яко Матерь Божия и Мáти милосердия, предстоя у Престола Пресвятыя Троицы, мóжеши нам помощi: никтоже бо притекáяй к Тебе посрámлен отходит. Услыши úбо и нас ныне в день скорби пред Твоею иконою припадающих и со слезами Тебе молящихся: отжени от нас належáция на нас скóрби и печали в сей врéменной жизни, не лишены же ны сотвори Твоим всесильным ходатайством и вечныя нескончаемыя радости в Царствии Сына Твоего и Бога нашего. Аминь.

Икона «Всех скорбящих Радость» находится в Преображенском храме на Ордынке в Москве. История этой иконы такова: в 1688 году сестра Патриарха Московского и всея Руси Иоакима Евфимия, долго страдавшая неизлечимой болезнью, однажды услышала голос, призывавший ее пойти помолиться перед образом Божией Матери «Всех скорбящих Радость» на Ордынку и заказать совершение молебна с водосвятием. Евфимия выполнила указание свыше и исцелилась.



Акафист Пресвятей Владычице нашей Богородице в честь иконы Ея, именуемой «Казанской» От глазных болезней и слепоты



Конда́к 1

Избра́нней от всех родо́в Заступнице рода христианскаго, покровом Своея́ благости покрывающей страну нашу православленную, благодарственная пения приносим Ти, Богородице, о явлении чу́дныя Твоея́ иконы. Ты же, я́ко всемилостивая, всех притекающих к Тебе помощнице, заступай нас во всех ско́рбех и ну́ждах, беда́х и напа́стех, да зовем Ти: радуйся, Заступнице усердная рода христианскаго.

Икос 1

Ангел предстатель послан бысть рещи Богородице: радуйся, егда Бог Слово воплощашеся во утробе Ея; и мы, грешнии, прославляюще явление чудныя Ея иконы и Божественнаго Младенца Спаса Христа, со умилением вопием Благодатней:

Радуйся, Богоизбранная Отроковице; радуйся, Мати Божия.

Радуйся, Царице небесé и земли; радуйся, светлое Цёркве Небесныя и земныя украшение.

Радуйся, Ангелы чтимая; радуйся, певаемая от Серафим.

Радуйся, светлое пророческое сбытиé; радуйся, апóстолов похвалó.

Радуйся, мученическое исповédание; радуйся, преподобных вéнче.

Радуйся, праведных веселие; радуйся, грешных упование.

Радуйся, Заступнице усердная рода христианскаго.

Кондак 2

Видящи, Всенепорочная, с высоты небеснаго жилища Своего, идеже с Сыном Твоим в славе пребываеши, скорбь рабов Твоих в новопросвещённом граде, яко гневнаго ради

Божия посещения вера Христова поругаема бывает агарянским зловерием, благоволила еси явити икону Свою, чудесы ю прославляющи, да утверждаеми знаменами Твоея благодати, христоролюбивии людие верно вопиют Богу: Аллилуиа.

Икос 2

Разумение трикратнаго явления Богоматере мудрая отроковица ищущи, течё ко властём, повёдающи им дивное явление и грозное прещёние; мы же, дивящесе свыше данному отроковице вразумлению, благоговейно вопиём к Препблагословённей:

Радуйся, устнами чистыми хвалу Бóгови совершающая; радуйся, тайны благодати Божия верным открывающая.

Радуйся, верных известная похвалó; радуйся, молние, неверных устрашающая.

Радуйся, славою чудес Твоих верных разум озаряющая; радуйся, агарянского зловерия обличение.

Радуйся, гордыни их низложёние; радуйся, веры христианския утверждение.

Радуйся, почитания святых икон освящение; радуйся, скорбь нашу в радость претворяющая.

Радуйся, несумненною надеждою нас увеселяющая; радуйся, Заступнице усердная рода христианскаго.

Кондак 3

Сила Вы́шняго благодатию Богоматере умудри и укрепи отрокови́цу к исканию многоценнаго Божия д́ара, и та с верою дерза́ючи о Господе, приступи к труду и, скрытое в земли обрѣтши сокровище святых иконы Богоматерни, радостно возопи́ к Богу: Аллилу́иа.

Икос 3

Име́ючи благоутрѣбное промышление о новопросвещенных лю́дех града Казани, от пречестны́я Твоея иконы то́ки чудес источила еси, Владычице, слепым телѣснымъ очима зрение подаваючи, омраченных же душевно светом богопознания и благочестия озаряючи, девствующим под осенѣнием Твоея иконы пристанище небурное д́аруючи. Сего ради зовѣм Ти:

Радуйся, явлением иконы Твоея тьму лютых обстояний отгоняющая; радуйся, лучами чудес Твоих всех просвещающая.

Радуйся, слепых прозрѣние; радуйся, омрачѣнных смыслом просвещѣние.

Радуйся, славо Православия; радуйся, тихое пристанище ищущих спасения.

Радуйся, Мати целомудрия; радуйся, покрове и ограждение дѣвства.

Радуйся, Еюже ликовствуѣет все множество верных; радуйся, Еяже ради рыдает дѣмонское полчище.

Радуйся, всех христиан вожделѣнная помощнице; радуйся, всех скорбящих радости.

Радуйся, Заступнице усердная рода христианского.

Кондак 4

Бурю смятений и крамблы врагами воздвигнутую в стране нашей утолити тщящся блаженный Ермогѣн, списатель чудес Твоея, Богомати, иконы, слезно пред нею молящеся и, видев, яко вбѣнству православному в щит и победное знаменіе Твоя икона даровася, верою укрепляемый до конца живота своего, вопияше Богу: Аллилуѣа.

Икос 4

Слышавше православнии вбѣни откровенную преподобнымъ Сергіемъ святителю Арсенію тайну, яко предстательствомъ Богоматере судъ об отечествѣ нашемъ преложѣн на милость, икону Богоматерню, яко знамя победное, приимше, исхитиша мать градѣв русскихъ из рукъ супостатъ и возопиша заступнице христианъ:

Радуйся, Мати Бога Вышняго; радуйся, яко за всех молиши Сына Твоего, Христа Бога нашего.

Радуйся, яко всем твориши спастися, в державный Твой покров прибегающим; радуйся, заступнице всех сущих в скорбех и болезнях.

Радуйся, всем молящимся с сокрушенным сердцем пред пречистым Твоим образом полезная дарующая; радуйся, избавление зол всем, не возвратно надежду имущим на Тя.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.